

22 January. 2026

समे .18:15 Hrs

<><><><><><>

Headlines

- मुख्मन्त्री उमर अब्दुल्ला होरें बजट इजलास कोला पैहले अपने मंत्रिमंडल दी इक बैठक दी प्रधानता कीती।
- केंद्री मंत्री डॉ. जितेंद्र सिंह होरें उधमपुर थमां नागरिक ब्हाई डोआरिएं गी शुरू करने लेई ताली गेदी थाह् दा सांझे तौरा पर निरीक्षण कीता।
- डोडा जिले दे भद्रवाह इलाके च इक्क फौजी गड्डी खाई च डिग्गने करी 10 जवानें दी मौत, 11 जख्मीं।
- मुख्म सचिव होरें जी.आई.एस आधारित ते डेटा संचालित शिडक सुरक्षा हीलें गी अपनाने दी जरूरतै पर जोर पाया ऐ।
- पच्छमी ब्हाएं च खोद्दल आहली द'ऊं स्थितिएं करी जम्मू-कश्मीर च बरखा ते बर्फबारी दे असार, मौसम विभाग नै अज्जै थमां 24 जरवरी ते फही 26 जनवरी रातीं थमां 28 जरवरी तोड़ी बरखा ते बर्फबारी दी भविक्खवाणी कीती ऐ।

<><><><><><>

CM-Cabinet Meet

मुख्मन्त्री उमर अब्दुल्ला होरें अज्ज नागरिक सचिवालय जम्मू च इक कैबिनेट बैठक दी अध्यक्षता कीती जेदे च 2 फरवरी थमां शुरू होने आले जम्मू-कश्मीर विधानसभा दे बजट सत्र बारै चर्चा कीती गेई। लोक ते प्रशासनिक महत्व आले अहम मुद्दें पर गल्लबात कीती गेई। आकाशवाणी जम्मू संवाददाता नै जानकारी दिती ऐ जे इस बैठक च उपमुख्मन्त्री, दुए कैबिनेट मंत्री ते मुख्म सचिव होर मौजूद हे। विकास, लोक कल्याण सरबंधत कई मुद्दें पर चर्चा कीती गेई। कैबिनेट नै चला'रदे प्रशासनिक कम्में दी समीक्षा कीती ते सेवा सुधार ते जम्मू-कश्मीर च सरकार दे कम्मकाज च बेहतरी आह्णने आस्तै बचनबद्धता जाहिर कीती।

<><><><><><>

## Jitendra Air Flight

उधमपुर थमां लोकें आस्तै ब्हाई यात्रा दी सुविधा शुरू करने आस्तै अज्ज थाह दे संयुक्त निरीक्षण आस्तै केंद्री मंत्री डॉ. जितेंद्र सिंह होर एयर फोर्स स्टेशन, उधमपु पुज्जे। उन्दे कन्नै उच्च स्तरीय केंद्री विमानन दल हा जेदे च केंद्री विमानन सचिव समीर सिन्हा ते भारती ब्हाई अड्डा प्राधिकरण दे अध्यक्ष विपिन कुमार होर शामिल हे। विधायक पवन गुप्ता ते बी.एस मनकोटिया डिव काम रमेश कुमार, डी.सी उधमपुर सलोनी राय ते दुए वरिष्ठ अधिकारी इस मौके पर मौजूद हे। एयर वाइस मार्शल विकास शर्मा हुं'दी दिक्ख-रिक्ख च एयरफोर्स टीम नै इस केंद्री दल दा गर्मजोशी कन्नै स्वागत कीता। संवाददाताएं गी जानकारी दिंदे होई डॉ. जितेंद्र सिंह होरें आखेआ

<><><><><><>

## Bhaderwah Accident

भद्रवाह गी चम्बा कन्नै जोड़ने आहली शिड़क पर खन्नीटॉप इलाके च होए दे इक शिड़क हादसे च सेना दे 10 जवानें दी मौत होई गेई जिसलै के 10 होर दुए गंभीर तौरा पर घाऽल होई गए। इक अधिकारी नै दस्सेआ गेआ ऐ जे एह हादसा गड्डी दे शिड़का परा खल्ल रूलकने करी होआ। हादसे दे तुरत मगरा बचा ते राहत टीमां मौके पर हादसे आहली थाह्वां पुज्जियां जिनें घाऽलें गी उप जिला अस्पताल भद्रवाह पजाया जिथुआं उ'नेंगी माहिराना इलाज लेई ब्हाई रस्तेआं मिलीट्री अस्पताल उधमपुर पजाया गेआ। लेफ्टिनेंट गवर्नर मनोज सिन्हा ते मुख्मन्त्री उमर अब्दुल्ला होरें मंदें भागें आहले इस शिड़क हादसे च 10 फौजी जवानें दे बलिदान होई जाने पर डूंगा दुख ते बसोस बुज्जेआ ऐ।

<><><><><><>

## Bike Rally

राश्ट्री शिड़क सुरक्षा माह-2026 दे सिलसिले च पैराडाइय टीवीएस नै मोटर विहकल विभाग डोडा कन्नै रलिए इक जागरूकता बाइक रैली दा आयोजन कीता। शिड़क सुरक्षा गी बढ़ावा देने ते दुर्घटना गी टालने दे मकसद कन्नै रैली च सुरक्षित तरीके कन्नै गड्डी चलाने बारै जागरूक कीता गेआ। शिड़क सुरक्षा जीवन सुरक्षा दे नारे कन्नै लोकें गी जिम्मेदार तरीके कन्नै शिड़क सुरक्षा गी तवज्जो देने बारै आखेआ गेआ। रैली गी झंडी डिप्टी कमिशनर, डोडा हरविंद्र सिंह होरें दस्सिए रवाना कीता। एह रैली कस्बे दे मुख् थाहरें चा होइयै लंघी ते लोकें गी ट्रैफिक नियमें बारै जागरूक कीता गेआ। सेवाददाताएं कन्नै गल्लबात करदे होई डी.सी डोडा होरें आखेआ

इस मौके रैली च शामिल इक बाइकर नै हैलमेट दे इस्तेमाल दी महत्वता बारै दस्सेआ

## Prog. Ann-Valour Day

आकाशवाणी दा क्षेत्रीय समाचार एकांश जम्मू कल 23 जनवरी गी “पराक्रम दिवस” दे मौके पर 25 मिन्टे दी इक विशेष परिचर्चा प्रसारत करने जा’रदा ऐ। दपैहरी 12 बजे प्रसारत होने आहली इस परिचर्चा दा विषे सार ऐ- “दलेरी थमां प्रेरणा- नेताजी हुंदे विचार ते अज्जै दा भारत”। नेताजी सुभाष चन्द्र बोस हुंदी जन्म जयंति दे सिलसिले च हर बरे 23 जनवरी गी “पराक्रम दिवस” दे रूपै च मनाया जन्दा ऐ। इस विशेष परिचर्चा च स्टाडी परौहनियां होगंन- जम्मू युनिवर्सिटी च प्रोफैसर शशी प्रभा जेहडियां इस विषय पर अपने माहिराना विचार सांझे करगंन। कार्यक्रम दी मेजबानी करगंन स्टाड न्यूज एंकर विजय बजाज चेता रक्खेया-23 मार्च गी दिनें 12 बजे स्टाडे इस्सै चैनल मीडियम वेव 303 मीटर यानि 990 किलोहर्टस ते एफ.एम 100 इशारिया 3 मेगाहर्टस पर।

## CS-GIS

मुख्व सचिव अटल डुल्लू होरें शिडक सुरक्षा उपाएं गी लागू करने सरबंधी समीक्षा करदे होई जी.आई.एस आधारित डाटा दे इस्तेमाल पर जोर पाया तां जे सारे जिलें च दुर्घटना आली थारें ते दुए असुरिक्षत शिडक रस्ते दा पता लाया जाई सकै। उनें आखेआ जे इस चाल्ली शिनाख्त तकनीकी या दुए तरीके कन्नै शिडक हादसें गी टालने च कम्म औग। इस बैठक च सरबंधत विभागें दे प्रशासनिक सचिव, ट्रैफिक पुलस दे वरिश्ठ अधिकारी, विभागाध्यक्ष मौजूद हे जदके डिप्टी कमिशनरें वीडियो कांफेंसिंग राएं अपने-अपने जिलें थमां बैठक च शिरकत कीती। मुख्व सचिव होरें सुप्रीम कोर्ट दे शिडक सुरक्षा सरबंधत निर्देशें दी तफसीली जानकारी मंगी ऐ।

## Security Arrangements

लोकें दी सुरक्षा ते रक्षा गी ध्यानै च रखदे होई रियासी जिले च रियासी, कटडज्ञ ते राश्ट्री जरनैली शिडक 144 गलियारे सने सुरक्षा दे इंतजाम पुख्ता तरीके कन्नै कीते गेदे न। बदाई गेदी सुरक्षा बवस्था दे तैहत बादू सुरक्षा दल संवेदनशील थाहें पर तैनात कीते गेदे न ते निगरानी गी बदाने आस्तै मते नाके लाए गेदे न। ज्यादा निगगर बंदोबस्त ऐसी थाहें पर कीते गेदे न जित्थे लोकें ते यात्रुएं दा मता रश दिक्खने गी लब्बदा ऐ। खास करिए कटडा

दे आले दोआले ते जरनैली शिडक दे कन्नै। ज्यादा सुरक्षा कर्मिणं दी तैनाती दा मकसद कनून ते शांति बनाए रखने ते ट्रैफिक दे स्हेई प्रबंधन आस्ते कीता गोआ ऐ।

<><><><><><>

### Security-NHW

77में गणतंत्र ध्याडे दे मद्देनजर केंद्री रिजर्व पुलस बल (सी.आर.पी.एफ) नै रामबन जिले च जम्मू-श्रीनगर राश्ट्री जरनैली शिडक एन.एच-44 पर सुरक्षा मती निगगर करी दित्ती गेई ऐ। सी.आर.पी.एफ नै गड्डिणं दी आओजाई गी सखल्ला बनाईयै रखने ते खेत्तर च शांति कायम रखने आस्तै अपनी गशत ते तपाशी कारवाइयां बदाई दित्तियां ना। खास तवज्जो गणतंत्र दिवस दे मौके कोई बी राश्ट्र बरोधी या ऐतराजजोग गतिविधि गी होने थमां रोकना ऐ। तुरत कार्रवाई दलें ते शिडक खोलने आली पार्टिणं दे कन्नै बाद्दू निगरानी दल बी तैनात कीते गेदे ना। बंब नकारा करने आले दस्ते, खोजी कुत्ते ते ड्रोन राणं निगरानी दे प्रबंध बी कीते जा'रदे ना। होर मती जानकारी दिंदे होई इक सी.आर.पी.एफ अधिकारी नै दस्सेआ

<><><><><><>

### Vande Matram

राश्ट्री गीत वंदे मातरम गी लेइयै चलाए जा'रदे अभियान दे दुए गेड दे तैहत जिला प्रशासन कठुआ आसेआ जिले ते एह्दे सभनें सब डिविजनें च विशेष कार्यक्रमें दा आयोजन कीता गोआ। इस पैहलकदमी दा मकसद लोकें अंदर देशभक्ति, राश्ट्री एकता ते संवैधानिक मूल्लें-कदरें दी भावना गी बल देना ऐ। जिले दे खेड्डू स्टेडियम च सांझे तौर पर वंदे मातरम गीत गाने आहले इक बड्डे कार्यक्रम दा आयोजन कीता गोआ जेह्दे च विद्यार्थियें, नौजवानें, सरकारी कर्मचारिणं, सुरक्षा कर्मिणं ते सिविल समाज दे सदस्यें सने ज्हारां बदे लोकें बडे जोश कन्नै हिस्सा लैता। किट्टे रलियै राश्ट्री गीत गाने आहले इस कार्यक्रम नै पूरे महौल गी देशभक्ति ते राश्ट्रीय गर्व दी भावना कन्नै भरी दित्ता। इस सरबंधै च पत्रकारें कन्नै गल्ल करदे होई कठुआ दे डिप्टी कमिशनर राजेश शर्मा होरें आखेआ

<><><><><><>

### Weather

पूरे केन्द्र शासत प्रदेश च तापमान च बुधवारें पिच्छले दिनें दी तुलना च रला-मिला रुझान दिक्खने गी लब्बा-जेह्दे चलदे कश्मीर घाटी च केई थाहरें पर रातीं दे तापमान च ममूली बाधा दर्ज कीता गोआ, जिसलै के जम्मू

खिते दे किश हिस्सें च उच्चे थाहरें पर तापमान च गिरावाट दर्ज कीती गई ऐ। हालांकि मौसम विभाग नै अज्जै थमां बरखा ते बर्फबारी दी भविक्खवाणी कीती दी ऐ। आकाशवाणी दे संवाददाता दी रिपोर्ट मुजब पच्छमी ब्हाएं च खौदल आहली स्थितियें दा असर अज्ज थमां 24 जनवरी तक्कर ते फ्ही 26 जनवरी दी रातीं थमां 28 जरवरी बडुलै तोड़ी जम्मू-कश्मीर ते ओदे कन्नै लगदे इलाकें च दिक्खे जाने दी मेद ऐ। इस बारे पेश ऐ एहू खास रिपोर्ट

<><><><><><>